



Broj: 14-14-13153-5/17
Zenica: 18.10.2017.godine

Na osnovu člana 70. i člana 89. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-13153-4/17 od 16.10.2017.godine, u postupku javne nabavke za „Pružanje usluga recertifikacije i održavanja sistema upravljanja kvalitetom prema ISO 9001:2015 u institucijama ZDK“, direktor Službe za zajedničke poslove Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-14-13153-4/7 od 16.10.2017. godine i ugovor za „Pružanje usluga recertifikacije i održavanja sistema upravljanja kvalitetom prema ISO 9001:2015 u institucijama ZDK“, dodjeljuje se ponuđaču: „TUVADRIA“ d.o.o. Sarajevo, ul. Muhameda ef.Pandže bb, 71000 Sarajevo, kao najbolje ocijenjenom ponuđaču.
2. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. Konkurentskog zahtjeva za dostavljanje ponuda, u roku od 5 (pet) dana od prijema Odluke o izboru najpovoljnijeg ponuđača.
Dokumenti moraju biti dostavljeni na način definisan u tački 4.2. tenderske dokumentacije.
Ukoliko ponuđač u navedenom roku ne dostavi tražene dokumente, prijedlog ugovora će se dostaviti onom ponuđaču čija je ponuda po rang-listi odmah nakon ponude najuspješnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-13153/17 od 27.09.2017.godine, pokrenula postupak javne nabavke za „Pružanje usluga recertifikacije i održavanja sistema upravljanja kvalitetom prema ISO 9001:2015 u institucijama ZDK“.

Javna nabavka je provedena po konkurentskom zahtjevu za dostavljanje ponuda u skladu sa članom 88. Zakona o javnim nabavkama. Procijenjena vrijednost nabavke je 11.910,00 KM bez PDV-a.

- Ugovorni organ je objavio obavještenje i tendersku dokumentaciju na portalu javnih nabavki broj: 771-7-2-27-3-19/17 dana 27.09.2017.godine. Komisija za provođenje postupka javne nabavke, koja je imenovana Rješenjem broj: 14-14-13153-1/17 od 04.10.2017. godine, blagovremeno je izvršila javno otvaranje ponuda, te pregled i ocjenu ponuda i zapisnikom od 16.10.2017.godine, konstatovala da je u predviđenom roku pristiglo šest ponuda, ponuđača: „ATIA“ d.o.o. Sarajevo, „Tüv Croatia“ d.o.o. Zagreb, Hrvatska, „TUVADRIA“ d.o.o. Sarajevo, „Bureau Veritas Croatia“ d.o.o. Rijeka, Hrvatska, Institut za certificiranje sistema – ICS d.o.o. Sarajevo, Sarajevo i Nacionalno sertifikaciono tijelo „Montecert“ d.o.o. Herceg Novi.

Nakon pregleda i ocjene ponuda naprijed navedenih ponuđača, Komisija je u zapisniku od 16.10.2017.godine konstatovala sljedeće:



- Ponuđač Nacionalno sertifikaciono tijelo „Montecert“ d.o.o. Herceg Novi, ne može biti učesnik u datom postupku javne nabavke, iz razloga što tendersku dokumentaciju nije preuzeo sa „Portala javnih nabavki BiH“, a što je u suprotnosti sa članom 55. Zakona o javnim nabavkama.
- Ponuda ponuđača „Tüv Croatia“ d.o.o. Zagreb, Hrvatska, se odbacuje kao nepotpuna iz razloga što Nacrt ugovora (Aneks VI) nije ovjeren, što je u suprotnosti sa tačkom 4.1. pod g) Tenderske dokumentacije i nije dostavljeno Obaviještenje o nabavci (Aneks VII) što je u suprotnosti sa tačkom 4.1. pod h) Tenderske dokumentacije,
- Ponuda ponuđača „ATIA“ d.o.o. Sarajevo, se odbacuje kao nepotpuna jer nije dostavljeno Obaviještenje o nabavci (Aneks VII) što je u suprotnosti sa tačkom 4.1. pod h) Tenderske dokumentacije i
- Ponuda ponuđača Institut za certificiranje sistema ICS d.o.o. Sarajevo se odbacuje kao nepotpuna jer nije dostavljeno Obaviještenje o nabavci (Aneks VII) što je u suprotnosti sa tačkom 4.1. pod h) Tenderske dokumentacije.

Ponude gore navedenih ponuđača se odbacuju na osnovu člana 68. stav (4) tač. i) Zakona o javnim nabavkama (Sl. Glasnik BiH broj: 39/14), jer ponuda nije potpuna i ne ispunjava zahtjeve iz tenderske dokumentacije.

Ponude ponuđača „Bureau Veritas Croatia“ d.o.o. Rijeka, Hrvatska i „TUVADRIA“ d.o.o. Sarajevo, su prihvatljive i dostavljeni su svi traženi dokazi propisani tenderskom dokumentacijom, na propisan način. Komisija za javnu nabavku je shodno kriteriju „najniža cijena“ i u skladu sa Odlukom o obaveznoj primjeni preferencijalnog tretmana domaćeg («Službeni glasnik BiH», broj: 83/16) izvršila rangiranje ponuda kako slijedi:

Red. br.	Naziv i sjedište ponuđača	Ponuđena cijena bez PDV-a (KM)		Primjena preferencijalnog tretmana	
		Bez popusta	Sa popustom	- 10%	Cijena bez PDV-a
1.	„TUVADRIA“ d.o.o. Sarajevo	9.900,00	9.900,00	da	8.910,00
2.	„Bureau Veritas Croatia“ d.o.o. Rijeka, Hrvatska	9.280,00	9.280,00	ne	9.280,00

U skladu sa naprijed navedenim, Komisija je dala preporuku ugovornom organu za donošenje odluke o izboru ponuđača „TUVADRIA“ d.o.o. Sarajevo, kao najpovoljnijeg ponuđača za predmetnu nabavku.


Na osnovu navedenog, donesena je odluka kao i dispozitivu.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 1x Ponuđači
1x tenderska dokumentacija

Eg



DIREKTOR

Cazim Karalić

